

適性薄腫以帛急裹之日再易寒時溫覆非根時用子若腫在咽中取汁含咽之

又方燒榛牛屎酢和傳之乾則易亦可服方寸七日三

治妊娠手脚皆腫變急方

赤小豆

升五

商陸根

一斤切

右二味以水三斗煮取一斗稍稍飲之盡更作一方加澤漆一斤

產難第五

論方針法

論曰產婦雖是穢惡然將痛之時及未產已產並不得令死喪污穢家人來視之則生難若已產者則傷兒也

道藏輯要

孫真人千金方

續虛集十二

婦人產乳忌反支月若值此月當在牛皮上若灰上勿令水血惡物著物則殺人及浣濯衣水皆以器盛過此忌月乃止

凡生產不依產圖脫有犯觸於後母子皆死若不至死即母子俱病庶事皆不稱心若能依圖無所犯觸母即無病子亦易養凡欲產時特忌多人瞻視惟得三二人在傍待總產訖乃可告語諸人也若人眾看視無不難產

凡產婦第一不得忽忽忙怕傍人極須穩審皆不得預緩預急及憂悒憂悒則難產若腹痛眼中火生此兒迴轉未即生也兒出訖一切人及母皆忌問是男是女兒始落地與新汲井水五咽忌與暖湯物勿令母看視穢污

凡產婦慎食熱藥熱麪食常識此飲食當如人肌温温也

凡欲臨產時必先脫尋常所著衣以籠竈頭及竈口令至密即易產也

凡產難及子死腹中并逆生與胞胎不出諸篇方可通檢用之
治產難或半生或胎不下或子死腹中或著脊及坐草數日不產血氣上搶心母面無顏色氣欲絕者方

醇酒二升

白蜜一升

成煎猪膏一升

右三味合煎取二升分再服不能再服可隨所能服之治產後惡血不除上搶心痛煩急者以地黃汁代醇酒

治難產方

道藏輯要

孫真人千金方

續虛集十二

槐枝切二升

榆白皮切

大麻仁各一升

瞿麥

通草各三兩

牛膝五兩

右六味咬咀以水一斗二升煮取三升半分五服

又方吞皂莢子二枚

又方取廁前已用草二七枚燒作屑水調而服之

又方令夫唾婦口中二七過立出

又方針兩肩并入一寸寫之須臾即分免

治產難三日不出方

取鼠頭燒作屑并花水服方寸二分三

又方車軸脂吞大豆許兩丸

又方燒藥杵令赤內酒中飲之

又方燒大刀環以酒一杯沃之頓服即出救死不分免者

治產難累日氣力之盡不得生此是宿有病者方

阿膠二兩 赤小豆二升

右二味以水九升煮豆令熟去滓內膠令烊每服五合六覺更服不過三服即出

又方

槐子十四枚 蒲黃一合

右二味合內酒中温服須臾不生再服之水服亦得

又方

道藏輯要

孫真人千金方

堯續虛集十二

生薑汁 生地黄汁各半升

右二味合煎熟頓服之

治產難及日月未足而欲產者方

知母一兩為末蜜丸如兔屎大每服一丸痛不止更一丸

羚羊角散治產後心悶是血氣上衝心所致羚羊角一枚燒作

灰下篩以東流水服方寸匕若未瘥須臾再服取悶瘥乃止

又方殺羊角燒作灰以温酒服方寸匕不瘥須臾再進備急方以治產

難

治產乳運絕方

半夏一兩擣篩丸如大豆內鼻孔中即愈此是扁鵲法

又方神麴末水服方寸匕亦治產難

又方赤小豆搗為散取東流水服方寸匕不瘥更服

又方含醎醋喫面即愈凡悶即喫之

又方取醎醋和產血如棗許大服之

治心悶方

產後心悶眼不得開即當頂上取髮如兩指大強以人牽之

眼即開

子死腹中第六

方論

論曰凡婦人產難死生之候母面赤舌青者兒死母活母唇口青口兩邊沫出者母子俱死母面青舌赤口中沫出者母死子

道藏輯要

孫真人千金方

續虛集十二

活

治動胎及產難子死腹中并妊娠兩兒一死一生服之令死者出生者安神驗方

蟹爪升一

甘草尺二

阿膠兩三

右三味以東流水一斗先煮蟹爪甘草得三升去滓次內膠令烊頓服之不能分再服若人困拗口內藥入即活煎藥作

東向竈用葦薪煮之

真珠湯治胎死腹中方

熟真珠兩一

榆白皮升一

右二味以苦酒三升煮取一升頓服之死胎立出